

道

藏

第十一册

道藏

李一氓



文物出版社
上海書店
天津古籍出版社

图书在版编目(CIP)数据

道藏/上海书店出版社编. —上海:上海书店出版社,
1988.3(2005.6重印)

ISBN 7-80569-528-8

I. 道... II. 上... III. 道藏—影印本 IV. B951

中国版本图书馆 CIP 数据核字(2000)第 44776 号

道
藏(全三十六册附索引一册)

出
版

世紀出版集團
上海書店出版社

(上海福建中路一九三號)

文物出版社

(北京五四大街十九號)

天津古籍出版社

(天津河西區佟樓三合里)

印
刷

江蘇省金壇市古籍印刷廠

發
行

世紀出版集團發行中心

定
價

柒仟伍佰圓

1988 年 3 月第一版 2005 年 6 月第 6 次印刷
ISBN 7-80569-528-8/Z · 18

目錄

歷代崇道記一卷	一一一	洞玄靈寶昇玄步虛章序疏一卷	一一一
體玄真人顯異錄一卷	一一一	赤松子章曆六卷	一一一
江淮異人錄一卷	一一一	廣成集一七卷	一一一
仙苑編珠三卷	一一一	太上宣慈助化章五卷	一一一
道迹靈仙記一卷	一一一	靈寶淨明院行遣式一卷	一一一
十洲記一卷	一一一	天樞院都司須知行遣式一卷	一一一
洞天福地嶽瀆名山記一卷	一一一	太上老君說常清靜妙經一卷	一一一
梅仙觀記一卷	一一一	太上玄靈斗姆大聖元君本命延生心經一卷	一一一
金華赤松山志一卷	一一一	太上玄靈北斗本命長生妙經一卷	一一一
仙都志二卷	一一一	太上說南斗六司延壽度人妙經一卷	一一一
天台山志一卷	一一一	太上說東斗主算護命妙經一卷	一一一
龍瑞觀禹穴陽明洞天圖經一卷	一一一	太上說西斗記名護身妙經一卷	一一一
四明洞天丹山圖詠集一卷	一一一	太上說中斗大魁保命妙經一卷	一一一
南嶽總勝集一卷	一一一	太上說中斗大魁掌算伏魔神呪經一卷	一一一
玉音法事三卷	一一一	太上北斗二十八章經一卷	一一一
上清諸真章頌一卷	一一一	太上老君說救生真經一卷	一一一
太上洞玄靈寶智慧禮讚一卷	一一一	太上老君說消災經一卷	一一一
靈寶九幽長夜起尸度亡玄章一卷	一一一	太上太清天童護命妙經一卷	一一一
洞玄靈寶六甲玉女上宮歌章一卷	一一一	太上泰清皇老帝君運雷天童隱梵仙經一卷	一一一
上清侍帝晨桐柏真人真圖讚一卷	一一一	太上老君說安宅八陽經一卷	一一一
衆仙讚頌靈章一卷	一一一	太上老君說補謝八陽經一卷	一一一
	一一一	太上說十鍊生神救護經一卷	一一一

太上飛步五星經一卷

一一—三七四

混元八景真經五卷

一一—四三四

太上飛步南斗太微玉經一卷

一一—三七七

老子像名經一〇卷存卷一至五

一一—四五二

皇天上清金闕帝君靈書紫文上經一卷

一一—三八〇

太上老君說報父母恩重經一卷

一一—四七〇

洞神八帝妙精經一卷

一一—三八五

玄天上帝說報父母恩重經一卷

一一—四七三

太上老君內觀經一卷

一一—三九六

道德真經二卷

一一—四七四

太上老君說了心經一卷

一一—三九八

道德經古本篇二卷

一一—四八二

太上老君內丹經一卷

一一—三九八

西昇經三卷

一一—四八九

太上內丹守一真定經一卷

一一—三九九

无上妙道文始真經一卷

一一—五一三

太上老君內日用妙經一卷

一一—四〇〇

冲虚至德真經三卷

一一—五二五

太上老君外日用妙經一卷

一一—四〇〇

洞靈真經一卷

一一—五五六

太上說轉輪五道宿命因緣經一卷

一一—四〇一

南華真經五卷

一一—五六七

太上化度世仙經一卷

一一—四〇三

太上无極大道自然真一五稱符上經二卷

一一—六三二

太上老君說天妃救苦靈驗經一卷

一一—四〇八

太上老君說益算神符妙經一卷

一一—六四二

太上老君說長生益算妙經一卷

一一—四一〇

太上老君混元三部符三卷

一一—六四四

太上洞神三元妙本福壽真經一卷

一一—四一四

无上三元鎮宅靈籙一卷

一一—六七六

太上老君說解釋呪詛經一卷

一一—四一七

上清丹天三氣玉皇六辰飛綱司命大籙一卷

一一—六八四

太上老君說五斗金章受生經一卷

一一—四一八

大明太祖高皇帝御注道德真經二卷

一一—六八九

太上洞神天公消魔護國經三卷

一一—四二〇

唐玄宗御注道德真經四卷

一一—七一六

太上說紫微神兵護國消魔經一卷

一一—四二七

唐玄宗御製道德真經疏一〇卷

一一—七四九

太上日月混元經一卷

一一—四二八

唐玄宗御製道德真經疏四卷外傳一卷

一一—八〇九

太上洞神五星諸宿日月混常經一卷

一一—四二九

宋徽宗御解道德真經四卷

一一—八四三

太上妙始經一卷

一一—四三一

宋徽宗道德真經解義一〇卷

一一—八八五

太上浩元經一卷

一一—四三四

歷代崇道記

惟一

穆王於崑崙山王屋山嵩山華山泰山衡山恒山終南山會稽山青城山天台山羅浮山崆峒山致王母觀前後度道士五千餘人秦始皇帝併吞六國招方士好長生之術遣使往蓬萊採不死藥造宮觀一百餘所度道士一千七百餘人漢文帝竇太后並好黃老之術造宮觀七十二所勅天下如不通黃老經者不得注官又親訪河上公問道德之要天下大治計度道士一千餘人孝武帝奉道彌篤感王母降於宮中遺帝白銀像五軀曰是太上老君之真形也帝別營三殿而供養之後移像於柏梁臺上後又移於甘泉宮內以一殿而並列之南向設座自茲始也又度公主數人及度道士約五千餘人并造觀三百餘所其嵩嶽萬歲觀泰山登封觀華山集仙觀終南望靈觀王屋通天觀並不得令庶姓居之以爲恒式其萬歲觀因帝巡幸而聞山呼遂捨行宮而爲觀焉至孝宣帝時有上黨郡功曹李惲因入抱犢山採藥於石室內獲

天書四十餘卷并玉箱玉杖獻於河東郡太守張純純立遣使上進帝視之大驚不覺流涕乃令宣示內外臣僚時冉參爲主書中郎將見之泣曰此是武帝臨崩時遺制令葬於梓宮之內何由至此及披之卷後所有臣僚校勘姓名于今見有存者帝乃遣使檢校茂陵即又安完如故帝乃爲武帝造觀二所一在長安城內一在茂陵之下以奉先帝也復度道士二十人以奉香火也後赤眉之亂茂陵爲賊所發於梓宮之中但見有劍一口方欲取之其劍忽然嘯吼騰空而去世祖光武皇帝既平王莽天下大定東封禮畢乃爲本朝十一帝追薦及南陽春陵名山大川長安洛陽計造觀一百二十所度道士一千八百人魏明帝爲武帝及先太后造觀於五都計一十三所度道士一百九人仍詔道書同御史裝飾吳主孫權於天台山造桐柏觀命葛玄居之於富春造崇福觀以奉觀也建業造興國觀茅山造景陽觀都造觀三十九所度道士八百人晉武帝於洛陽造通天洞天靈

仙靈寶四觀及諸州共二百所先魏末隴右臨洮郡有神人長三丈著白衣垂素髮戴金冠現於襄武縣告縣人王始曰不久當見太平及武帝受禪果天下一統帝乃令於所現處造告平觀即李宗之故居也別度道士七人并前後所度道士共計四百七十二人時吳郡臨平湖岸崩獲石鼓一枚遣使上進帝問司空張華此物何用曰但以桐木刻作鯨魚形扣之必有聲聞於數里至惠帝時於宮中忽夜鳴不已帝甚惡之乃遣嵩山萬歲觀擊之集衆自茲始也後魏道武帝於雲中太原及河朔造觀計五十所度道士六百餘人太武帝令天下造太平觀共二百七十五所度道士一千三百人帝受籙改太平眞君元年仍令四方內外上書言太平眞君皇帝陛下自後帝嗣位並皆受籙後周武帝於長安造通玄館以延羽客隋高祖文皇帝遷都於龍首原號大興城乃於都下畿內造觀三十六所名曰玄壇度道士二十人煬帝遷都洛陽復於城內及畿甸造觀二十四所度道士

一千一百人皇朝高祖神堯大聖大光孝皇帝於隋末大業十三年感霍山神稱奉太上老君命告唐公汝當來必得天下至武德元年晉州浮山縣羊角山著紫衣戴金冠乘朱駿白馬令吉善行告神堯汝今得聖理可於長安城東致一安化宮而安道像則社稷延長天下大定善行辭見天子何以爲據太上曰但去有獻石龜者可以爲信善行乃告晉州刺史賀君孝義孝義遂將善行見秦王具言神人現事群官拜慶遂差左親衛帥杜昂與善行於所現處設祭太上又現一如善行所言以鞭指昂曰汝是何人昂曰是秦王使者太上曰我不飲不食何用祭乎所有委曲令人具知昂還乃言神人復現秦王大悅乃令昂將善行入京上奏至京立未定果有邱州治中張達獻石龜上有文曰天下安子孫興千萬歲千萬葉遂入面奏高祖大悅詔授善行爲朝散大夫賜物一百段乃令通事舍人柳憲於羊角山立廟復改浮山縣爲神山縣羊角山爲龍角山太上又現爲善行曰天

子喜歡否對曰大喜又曰疑惑何事復對曰爲不知聖者姓名耳太上曰我是無上神仙姓李氏號老君即我也我即帝之祖也史記中有傳亳州谷陽縣本廟有枯樹再生爲驗我已今周公旦領神兵助國家打劉黑闥得四月節即破矣孝義又令善行入奏高祖乃勅善行馳驛往洛陽軍所宣勅示諭至時果平黑闥四海大定枯樹亦重生焉乃改廟爲慶唐觀今觀內有明皇御製書碑及列聖真容並在武德三年詔晉陽道士王遠知授朝散大夫并賜縷金冠子紫絲霞帔以預言高祖受命之徵也太宗又加遠知銀青光祿大夫並遠知預言之故也羽衣人賜紫衣自茲始也高宗龍朔二年詔洛州長史熊國公許力士於邱山建上清宮以鎮鬼仙洞掘得古石按即仙人帛仲理之故基也及功畢帝令設醮太上又現百官進表稱賀帝大悅乾封初帝東封禮畢迴鑾亳州親謁太上謹上尊號爲混元皇帝聖母爲先天太后仍改谷陽縣爲真源縣又爲太宗文德皇后造東明

觀於京師又勅道士宜祿宗正寺仍立位在親王之次文明元帝天后欲王諸武太上乃現于魏州閭鄉縣龍臺鄉方興里皇天原遣鄔玄崇令傳言於天后云國家祚永而享太平不宜有所嗜也天后遂寢乃捨閭鄉行宮爲奉仙觀後慶山湧出於新豐縣界高三百尺上有五色雲氣下有神池數頃中有白鶴鸞鳳四面復有麒麟獅子天后令置慶山縣其諸祥瑞具載天后實錄以表國家土德中興之兆也又捨中微奉天宮爲嵩陽觀以追薦高宗大帝也竟傳位於中宗孝和皇帝景龍元年勅天下州郡並令置景龍觀二年改爲中興觀三年改爲龍興觀其度人一依前代故事睿宗捨東京宅爲景雲觀又捨太原宅爲唐隆觀爲資薦天皇天后也明皇開元中勅諸道並令置開元觀又製混元讚帝親書勅之于石又勅五嶽置真君廟又勅上都置太清宮東都置太微宮以太原神堯舊宅爲紫微宮潞州潞龍改宅爲啓聖宮並給袞冕絳紗帷帳交龍門戟一如宮闕之制帝又

注道德經及製序引詔天下士庶並令家藏一本兩街道衆乃以幢幡伎樂自禁中迎引歸于太清宮香花之盛近古未有又勅置道舉一如禮部之制帝親自策之達者甚衆後蒲州奏因修紫極宮掘地獲玉石狀如半月復有仙人杵藥之像扣之有聲頗甚清遠帝令懸於太原玄元廟庭號之爲偃月聲東都留守張琦奏汝州魯山縣因修仙居古觀獲玉瑛扣之聲聞數里帝令懸於太清宮聖祖廟庭衢州爲建觀宇穿地得魚一頭長三尺其狀似鐵微微帶紫碧之色又如青石光瑩雕鐫殆非人工所成也扣之甚響其魚亦不能名遣使來獻帝令宣示百僚亦不能辨帝乃呼爲瑞魚磬仍命懸於太微宮非講經設齋不得擊之由是諸觀競以木石模之以代集衆又詔諸官悉以宰臣及本道節度使領之永爲常式帝又製霓裳羽衣曲紫微八卦舞以薦獻於太清宮貴有異於九廟也帝東封獲江淮間三脊茅乃令於所獲之地置靈茅觀乃禮畢迴謁聖祖於亳州本宮親執道

德經於石作大幢造八角樓覆之於虛无殿之前又幸懷州開元觀及閭鄉奉仙觀爲王公萬民所請亦親札二經以大石對峙立之一如太清之製乃詔授鄆玄宗崇爲魏州刺史開元十七年夏四月五日益州大都督府長史張敬忠奏大聖祖混元皇帝應現於富管蜀州新津縣津興尼寺佛殿柱上自然隱起木文爲太上老君聖像當頂上有華蓋足下前後各有雲葉天花共一十三處謹差判官益州功曹參軍王大鑣檢覆得狀與本州刺史李忠徇別駕盧昉縣令李韶道士僧尼一百三十人狀同方敢上奏至五月二十四日勅差內侍林昭隱宣取像柱入京於大同殿供養又令兩街宮觀各賜供養七日却令進入大內于今見在前後瑞應極多難以具錄

二十九年正月七日陳王府參軍田同秀於丹鳳門外忽見紫雲自西北映樓又見混元乘白馬侍從二童子二童子謂同秀曰我昔與尹喜將入流沙之日藏一圓靈符在桃林故關尹喜舊宅汝可請帝取之同秀具事聞奏勅差內使李志忠監同秀往陝州桃林縣南十二里故函谷關墟求訪之俄有紫雲白兔現於枯桑之下便乃穿掘下至水際得石函金匱玉板朱書細篆帝開奏大悅即令京師列十部樂歌舞鼓吹自通化門入其文於寶輿中五色放光洞照天地帝於丹鳳樓上身披龍袞手執金鑑六宮嬪嫔競於樓上焚香散花遙自作禮帝又令亂撒金錢於樓下縱令士庶分取以爲歡樂斯須山呼之聲震動京邑帝令置寶符於靈昌殿是夜樓閣林樹之上皆有神燈乃於正月一日改開元三十年爲天寶元年改桃林縣爲靈寶縣其後三年帝見靈符有天寶千載之字天寶已應改元之號遂改年爲載乃於其地長樂亭置天寶觀御製并書靈符銘立於所獲之處又於大內置靈符殿賜同秀五品正員官宰相請加尊號爲開元天寶神武之字制可之乃大赦天下其年閏四月帝夢混元謂帝曰我在城之西南久矣當與汝於興慶相見可速迎我帝謂宰相李林甫牛仙客曰朕臨御海

內向三十年未嘗不五更而起具朝服禮謁具容爲蒼生祈福近因假寐見混元具言上事遂差內使與道門威儀蕭玄裕於城西南尋訪數日忽於樓觀山谷間見有紫雲現白光屬天於其下穿之果得玉像老君高三尺餘以進其日帝在興慶宮大同殿親自迎謁果符興慶之言置於內殿供養仍令所司寫真容分送天下諸道宮觀遂大赦天下五載帝夢見混元言我有靈應尋當自至遂於太白山獲靈符玉冊及迎到京置于靈符殿親自供養仍封太白山神爲靈應公改獲符洞爲嘉祥洞於山下置真符縣乃令諸道置真符觀仍編入史其年十二月帝幸華清宮其月四日日出時忽見驪山頂雲物積異須臾雲散見混元聖祖現於朝元閣上帝與內人瞻謁良久乃隱詔改會昌縣爲昭應縣其新豐縣隸入昭應又封會昌山爲昭應山封山神爲玄德公改朝元閣爲降聖閣內出圖本頒示天下宣付史官八載帝獲二十七仙玉像於寧州羅川縣勅令迎像入京一如天

寶初迎靈寶符儀注故事帝親自製讚尋改羅川縣爲真寧縣於所獲處造通聖觀帝製碑文立之于今並在其年六月大同殿產玉芝一莖又造金仙玉芝二觀復度公主二人爲道士又太白山人李渾上言見混元言金星洞內有玉版石記聖皇福壽之符勅御史中丞王鉷入遊谷行四百餘里求而得之勅以殊祥頒示中外乃於其地造靈符觀閏六月丙寅帝謁太清宮加五聖尊號作仲尼四子像侍立於混元之前又勅十道大郡置玉芝觀大赦天下九載太白山人王玄翼上言混元大帝降現言寶仙洞中有妙寶真符謂帝取之勅刑部尚書張均工部尚書王倓往取獲之乃造真靈觀十三載正月帝謁太清宮又上混元尊號爲大聖祖高上大道金闕混元天皇大帝五聖各加謚號帝加開元天地大寶聖文神武證道孝德皇帝大赦天下十五載帝幸蜀混元現於漢中郡三泉縣黑水之側帝親禮謁遂命刻石像真容於所現之處又於利州益昌縣山嶺上見混元騎白

衛而過示收祿山之兆詔封其山爲白衛鎮於所現之處置自然觀又於嵩山置興唐觀成都置福唐觀肅宗至德二載三月十八日混元現於通化郡雲龍巖初因郡人爲國祈福建大齋會十八日忽煙霧異香氤氳不散至辰時漸漸開霽神光照天因見混元真像立於山前自地接天通身白衣左手垂右手執五明之扇儀相炳然衆瞻禮其山雖高亦不及肘良久乃隱遂具上奏內出圖本太上皇製讚并序文繫不錄具編史冊仍示天下乾元二年帝夜夢二青童導從至一宮闕謁見混元混元衣雲霞之衣冠九鳳之冠坐方席垂寶蓋凭玉几執白拂左右侍衛真人玉女神仙童子五天力士羅列極衆帝著絳衣秉圭立侍於混元之後遊涉山海經歷甚遠帝一一潛記又見混元鬚髮皆黑及明宣下兩街訪諸瑞像於務本坊光天觀聖祖院果獲黑髭老君之像圖寫以進帝見大悅一如夢中所覩乃出帝真容令侍立於混元之後仍頒示於天下普令供養代宗初於楚

州安宜縣獲八寶因改安宜縣為寶應縣勅於所獲處造寶應觀遂改元為寶應元年大赦天下德宗貞元十年混元潛使金母累降於果州金泉山授鍊炁之術付女真謝自然修習功成以其年十月十六日白日上昇後

三月乃歸謂刺史李堅曰天上有玉堂最高老君居焉壁上皆題神仙之名時注脚下云在人間或為帝王或為宰輔神仙入謁老君皆四拜焉自然言訖遂却昇天敬宗寶曆二年正月帝有事于南郊朝獻太清宮御駕將至長安縣主簿鄭翦忽見老君衣白衣容狀異常謂翦曰當此路有井可速實之不然禍在不測翦驚惶顧其地已微陷遂併力實之因失老君所在駕至具以上聞百官稱賀詔兵部侍郎韋處厚為碑起居郎柳公權書立子實并之側乃編付史官其年十二月十八日柳公權書碑之際忽有勁風颯然而起旋颯不已乃見混元著紫衣金冠金履立於白蓮花之上右手執五明扇左手垂下空中光明如金色公權與鐫碑人瞻觀良久因以物

畫地記形像及畫畢混元忽以扇指空中流光四散乃騰空而去眾皆側身仰視漸遠漸小沒於雲中遂以事上聞詔編事跡入碑之中又勅於兩京造延唐觀文宗開成二年五月中書舍人高元裕為閬州刺史於州北八里嘉陵江上小山之前忽見崖壁間光彩有異近而觀之石上自然石文成老君真像眉髮衣章巾履服飾無不周備傍有一人寬衣大袖持鑪薦香後一人童子雙髻高束謹若聽命皆非人力圖繪鐫刻所及元裕每有祈禱即紫炁上浮又有靈泉自湧士民請福無不立効遂刻石建宇用旌其瑞乃畫圖呈進乞編入史詔從之武宗會昌元年勅以二月十五日大聖祖降誕之日為降聖節仍令兩京及天下諸州府設齋行道作樂賜大酺三日軍期急速亦不在此限永為常式懿宗咸通十年九月十日徐州逆寇龐勳領從黨三千餘人來亳州太清宮其日宮北百姓三百餘人見老君自宮中乘空而南須臾黑霧遍南川中群賊迷路自相殺戮龐勳溺水而

死群兇自此殄滅汴州節度使太清宮使李蔚具事上聞詔曰我國家系承混元教遵清淨苦縣舊里聖相故鄉宮宇具嚴廟貌斯設昨者餘妖奔突縱火將欲焚燒陰霧覆閉於晴空狂寇顛迷於道路散逸原野遂至誅夷緬惟玄功申茲靈贖內出青詞又委李蔚虔申告謝布示中外仍付史官十三年三月台州刺史姚鵠奏於天台山修老君殿於其地穿獲得石函冊文以進乞付史館頒示四方詔從之廣明二年三月河中節度使王重榮奏據晉州申龍角山慶唐觀老君殿側柏樹上瑞葛枯死重生先是武德中混元應現後於二樹間立殿宇逾年之後柏樹上忽自生葛蔓長十餘丈榮茂於常其後齊王奪嫡此蔓枯死旬月之後自其末青翠再生齊王遂敗至中宗復位安史叛逆朱泚謀亂皆忽枯落久而復生廣明元年黃巢犯關其年秋葛蔓枯死二年春枝葉重茂又於傍樹上別生一枝旬日之中長五十餘尺相對繁茂有異於常奏詔褒美編付史官其後祥異皆有詔

勅蓋美乎葛藟慶其孫謀瓜瓞昭其遠祚混元流貺奕葉無窮者也皇帝駐蹕西蜀中和二年八月九日進到帝令宣示內外三年三月十一日亳州刺史潘稠差道士馬含章孫棲梧等奏太清宮自乾寧四年已後累有逆寇侵犯真源少或逾千多或至萬皆窺伺是宮欲為焚劫或來攻城邑或旁犯縣城老君皆密垂神化忽起濃雲或驅以陰風或擊以雷電率皆顛沛尋至敗亡靈貺益彰神功周測尋詔昇真源縣為徽縣仍內出青詞修崇告謝帝即稽首東拜八月十二日勅亳州太清宮是混元降聖之里名高道祖福履皇基九宮之瑞井涵空一鹿之仙蹤在樹累代之積祥可紀近年之感應尤彰所宜嚴盛於福庭安可荒涼於靜宇潘稠能施善政久染真風廣出俸錢備修宮觀垣牆棟桶無不精新像設丹青彌加煥麗觀圖考事深可慰嘉其住宮威儀道士吳重玄可賜紫仍號凝玄先生道士馬含章孫棲梧並賜紫潘稠加金紫光祿大夫檢校工部尚書餘並如故其年八

月二十九日夜詔帝房宗室李持立與道士李充爲於成都府青羊肆玄中觀混元降生舊地設醮祈真忽見虹光如彈丸許漸漸明大出於殿基東南竹林中跳躍入西南梅樹下沒於沒處穿地三尺已來得寶塢一口長一尺一寸五分闊七寸四分一邊厚一寸三分並有花文一邊厚一寸八分重一十二斤有古篆六字各方二寸深三分鐫刻瑩潔迨非人工文曰太上平中和災九月一日西川節度使侍中陳敬瑄奏曰皇帝陛下稽古順天膺圖撫運凝懷至道屬想大同是用省方以明罪己深仁旁達於下土至德昇聞於上玄符讖允臻積祥聞出降太上匡持之命清中和寇孽之災廼示明文爰形古篆足表妖氛即殄聖祚无疆克收復之期便是清寧之日至十二日帝令宣示百官中書侍郎平章事韋昭度戶部侍郎平章事蕭遘門下侍郎平章事鄭畋御史中丞張漬宗正卿嗣曹王龜年表賀曰伏以萑蒲煽聚車駕省方天災流行國家代有陛下降成湯罪己之詔微

王者有征之師顧彼兇妖即當殄滅清平既彰於嘉兆幽贊爰觀其秘文赤雀銜書貺豈同於太上玄龜負卦慶難比於平災況因宗室禱醮之辰仍有祥光跳躑之瑞其爲感現可謂丁寧樞密使李順融十渾十二衛都指揮使田令孜表賀曰今者又有維城來於仙觀至誠纔發嘉兆俄呈現此時在地之赤光是昔日度關之紫氣及穿積土果獲古文驗逸勢於龍蛇即知平於梟獍於冲遠理頗甚昭開既太上今與平災知中和永昌厥祚所現全因聖祖掘得又自皇枝捧此靈蹤可明天意且混元聖祖每逢多難皆有殊祥唯彼明徵備書正史昔於丹鳳門上告田同秀與天寶復國之期今又青羊肆中示李特立以下還宮之慶莫不天下幸甚乞付史館帝並俞之十五日李特立授太子校書李无爲賜紫仍各賜緡帛三百匹二十一日又詔曰太上玄元大帝與弟子文始先生講真經於樓觀之臺約後會於青羊之肆便乘雲駕俱入流沙仙記傳聞地圖標載自周昭至于此

日曆數約二千餘年景象寂寥基蹤牢落今因恩幸靈貺昭彰殊光跳躍於庭前靈象申明於樹下博合古色字驗休禎中和之災害欲平厚地之禎符乃現足表玄穹降祐聖祖垂祥將殲大盜之兵戈永耀中興之事業須傳簡冊兼示窠區已付史官備令編錄仍模勒文字告示諸道及軍前其觀可改號爲青羊宮仍置殿堂屋宇側近屬觀田地約有兩頃近來散屬黎甿多植葱蒜清虛之地難使薰蒸已賜錢二百貫便令收贖仍給公驗永歸靖虛宗子特立已除官道士李元爲已賜紫所宜昇獎用荷慶靈敬瑄位冠公台風行郡國効節於延洪之代修心於道德之鄉遂令境內消兵地中呈寶其爲休美倍可嘉稱至十月七日勅高品郭遵泰監建青羊宮土木之工並用內庫宣賜自獲靈瑞之後至是月癸丑近蜀郡冠相次擒戮旬月之內遂致清平駕幸青羊宮頒賜有差李特立賜緋授龍州錄事參軍又下詔曰太上垂祥青羊應現禮宜崇飾用答殊休諸道州府紫極宮宜

委長史如法修飾仍選有科儀道士祭醮是月乙卯奏收復京城有以見大道垂休聖祖昭祐洪圖延永唐祚無疆者也又勅翰林學士承旨尚書兵部侍郎知制誥樂朋龜撰碑立之伏乞頒示天下以表皇家承神仙之苗裔感太上之靈貺實萬代之無窮也十六臣今檢會從國初已來所造官觀約一千九百餘所度道士計一萬五千餘人其親王貴主及公卿士庶或捨宅捨莊爲觀並不在其數則帝王之盛業自古至于我朝莫得而述也中和四年十二月十五日上都太清宮文章應制弘教大師賜紫道士臣杜光虔上進謹記

歷代崇道記

體玄真人顯異錄

惟二

木神作祟

萊陽東南白坡莊有王進之妻董氏患急弓風屢召名醫治之弗效經其半載忽聞有三位先生號體玄真人到白坡蒼進乘馬引僕請師不允進還與親復議曰若王先生不來救之則董氏之命在於朝夕矣其父子二人再同步詣卷彌加懇請師乃許遂至破居視患人曰我將謂何病指雕木佛前神子云誰知此箇大頭作祟令進等燒却良久董氏訝而笑曰妾病若遺也一家欣然拜謝師欲出衆爲之曳衣勉留齋畢乃去

瓦獸爲災

孫富揭山縣南塔子莊人也家資稍盛醅醢理生性賦強梁語多侮狎不居禮節里人謂之癡三即也常從師遊戲山林以爲歌酒之友富一日忽患血痢淹延月餘藥食無功疼痛弗忍切切然自訟曰先生胡不來救我邪語未已師從門外呼之曰家中有孫癡三否子欽出而迎曰大人病將極矣師曰不妨欽

欣然引至病榻師高呼癡三我特來與你飲酒何得不起邪富曰我病將死矣水米不加安能飲乎師曰我敢保你不死速出門四方瞻顧指東廂屋巽頭云元是這業畜為災即時令人擊碎復內問富曰起得否答曰痛則

止矣奈無力不能起也師令富要梁氏速烹饘粥須臾報粥熟矣師即臨釜啣之然後親哺之富乃連食數器揚言甘美無味比諸師復語梁氏有美醢速取一罇師自飲至半餘者與富飲之沉疾頓愈即端水正履起而拜

不滿拷拷恐難及之師躬詣其處將拷拷中物注在一空匱內出曰及得及得次日臨齋志堅復稟各幾枚曰四枚依之齋畢師曰據遠來者更各與二枚以充路費散過並無一少刺者也志堅悉告於眾眾乃焚香再拜讚言奇異從此化數十莊奉善

生麵充齋

謝曰深蒙師父慈憫救之復活下情無以慰念願為弟子出家修行師曰夫出家盡終者皆宿緣所致非偶然而能為也觀汝之宿賦於出家則未然當在家作福可也未幾師潛去之富乃徧檢里人所負財賦契券文曆悉焚之矣

師昔乞食嘗到東牟溝頭村其于深見師問之曰先生將齋乎師曰然即請坐內語其妻曰當造饅飩與先生齋方浚麵成劑忽有人從門外請師曰今李官人命友洪欲待先生久矣師聞之語深曰將麵來答曰未熟師曰但取來不妨深意謂持去就李宅熟之遂進生劑師乃接而食之稍無難色深駭然而諫曰然先生鼎有丹砂鑪存真火亦詎能當之

熟食過眾

師昔遊東陽東倪家莊河東名曰呼石崖有新砌小巷一所門人王志堅等居之時方纔過新正志堅私議於眾曰此巷初立信奉者

哉師微哂不答食盡乃去後略不傷和所析即應

師應緣北邁到薊州遵化縣時北京大旱按察使久佩師旨訓名導道及屢嘗禱師有應是時復知在於遵化即還差在京奉道商四官人齋書邀請師聞之不能辭避應命而往於七月十四日到北京使與諸官及應係乞雨數千人恭拜畢使親為祇待翌日清旦使復率眾師前焚香致禱曰此方旱及五旬苗將槁矣願垂慈造俯慰群情幸甚幸甚師曰用得一尺水否眾相顧而無言十七日果雨地方千里皆及一尺官民僉議作謝雨醮復罷師將離京傾城相餞使曰此別之後再會未可期也師即云都下使歸而思付到任未及兩月何有都下之期師於中秋屆都城太虛觀不數日使任太子詹事果會於此師欲南遷詹事贈別云無計久駐芝輶山水漸遙後會在何處也師曰寧海詹事默然詳度或不測有寧海往復之幹若任於彼則何其降邪後果任寧海

失刀刺林席叱病者起坐即應聲而起疼痛若遺語言如故令家人急煮稠粥家人曰水尚難飲而況稠粥乎師曰不妨少頃粥至師親授病者病者始則意難及乎少進即連食二器唱言美哉即離席起謝安健勝常

雨龍忽起

師在薊州作醮畢有玉田縣官員及諸奉道請至本邑玉清觀住夏繼五月旱作初十日官民禱師祈雨允之翌日雨降約二寸復不遑官民心未愜而面謝之師曰衆謝之非也豈是貧子所禱之雨至十三日侵晨師於聖前焚香畢指示衆曰見否衆隨指南望見黑煙一縷從井而昇師曰此是雨龍取水已起不久當澍果於辰時雨降抵暮方息遠近霑足遂使官民慶祝苗稼滋榮成一方之大稔

烹雞復還

師昔年堂至萊陽東馬曹莊有姜仇者頗聞師能療疾病敵寒暑恨不得而見之是日請至本居啓曰仇願奉先生飽齋當造何物可邪師曰有雞否答曰仇家每畜豬羊至於雞

則未嘗畜也適有親者遺一雞稱能鳴留之司晨耳師曰肯與我食乎仇諾而出捕之適有本莊李壽卿見之諫於仇曰夫世之君子猶不忍見死不忍食肉況爲道者乎詳公之敬其先生者近於謬也仇曰嘗聞人設館置酒不能致先生一到門者在在有之今幸不我外豈可怪此物邪遂殺而烹之既熟饋於師乃食之俱盡捫腹作噫聲然而去翌旦仇等忽聞雞鳴衆疑曰復有何雞來此衆邪聲與所烹者相類及明視之形色亦與前雞一同驗其昨日所搏翎羽復一一存之仇乃心○情無託顛倒若醉往告壽卿壽卿聞之乃懼然曰昨視之先生以爲常倫今詳是理當爲得道者乎仇曰雖云聞說先生療疾病敵寒暑心未至於純信也復未審得道者悉能爲於是乎壽卿曰惜公之不知書也僕稍曾涉獵仙經道傳知夫得道者可以陶冶二儀埏埴九土出神入夢透金貫石變化飛騰無所不至況此一雞者乎仇省而賀曰先生之道乃天也予乃醢雞也公爲我啓其覆方知天

王公落馬

之高矣遠矣豈容淺淺之見測其涯涘者哉福山南水都村王忠一日請師本家共飲將至半酣輒有南莊客戶李旺喚忠詣彼分田忠令韃馬徐報鞍訖其妻復催之師語忠曰勿去去則可惜死却爾其妻作慍而言曰先生戀飲不顧妨人之幹安用復以卒亡之事特相誑邪師拂袖而起曰不信則從汝北行將至五里忽聞後有人走馬追及視之乃伊塔柳春也惶惶而告曰妻父落馬死矣禱先生往救之拜不自休師許同迴至彼見忠死卧於道衆圍而哭之師止以勿哭令取水一椀環而灑之三市水盡師曰不能救得衆再三哀告師復令取水一椀布氣念呪以水噴灑又至於三市師叱曰王忠爾擡左手即應聲而舉右手亦然復令開眼見衆云爾等何爲其妻問曰不覺邪徐答云只記得到此忽然迷悶隨數人西去約行及二十里驀聞王先生追喚迴來復至一溝既深且闊不能過得賴王先生以手提之乃過耳衆指云先生

在此忠乃起而禮謝曰不信玄言遂招此厄儻非救技已為鬼錄矣其妻大恥彌加敬服

李婦食狗

師到濟南府臨邑縣有在城焦潤王李遇風等十上戶修黃錄大難分諸局次晝夜營備每日四方善衆來如雲集將作醮之日侵晨有數醮首詣靜位伺之師乃覺衆託侍者覆云有在城李家新婦於殿前卒死願慈悲救之師曰何不早遣乃頭不及簪披衣蹶履至於成生人元辰前取氣一口吹於死者頂門中仍以袖拂之其人即蘇師迴靜位衆禮謝畢師曰此人為食狗肉觸犯醮筵元辰謹責正追付東嶽我與救迴良久其人方省告於衆曰為我不信王大師故食狗肉來此看有何驗今被譴至黑暗中賴真人光明救迴衆不可不信也

痼疾獲痊

師在北京華陽觀有按察副使嘉議大夫素以刑政酷虐世號為半截劍事親頗孝因母染患數載千方弗驗每於公退輒承顏問疾

恨無計而代之有吏報云邇在京凡有病者告王大師餘食食之立愈使聞之未及純信然孝誠所使不可不為也遂往拜師乞餘食師乃授之迴饋於母食之沉疾陡痊翌日請師本廳朝服設拜捻香跪啓曰僕之好善始於幼歲自及第為官恐妨王事固不宜使人知也比年屢任斯職至於關西山東河南海北靡不遍經嘗訪以釋門據所親見皆泛泛之徒無可師者今幸遇真人乞垂法訓永奉宗師結出世之因緣也師訓名清質號開真子稽首拜謝畢齋供茶果留連抵暮送師還觀

冤魂乞救

翌日副使烏林答清質糾集京城善衆議修黃錄醮衆欣然而諾遂就華陽觀夙夜營備洎附醮之家各搭蓋靈位向畢叩醮三二日忽於靈位前有一人暴死復起行走張荒赴一婦人意欲扯拽似有所訴之事衆為之隔住著言門難乃曰羞恥難言衆曰爾若不言人何以知徐曰我於年前都下當報事滿九

月九日迴到本家被妻於麵內藏毒將我謀殺嫁其所往之人今知南方得道真人在此作大醮我欲扯拽告真人乞垂救技我並無親族又無知者百無倚託恐墮幽冥何時得免若真人一去不得遇也言訖放聲痛哭觀者愴然輒有隨師瑞州海陽縣奉道張二官人緩止其哭語云爾既如斯明白已開具在醮也此間醮罷我即請真人於海陽作醮再與爾追薦即應謝而去其人復還如舊

精邪去宅

師到平州昌黎縣高真觀在城有前縣尉賦性剛劣素不信善忽淹重疾俯仰踰年夜夢顛倒心常驚悸親戚奴僕似此者衆復有鬼怪相撓以妨飲食遂成羸弱不復起也以至巫者醫佬弗獲痊瘥聞師在觀令人擡詣師前師叱去扶人乃疑而未捨再怒叱方捨而退病者悉能獨立師令近前又能行步似瘳半矣師以自食餘物授之亦乃食盡良久輕健若無病之時也師為呪水一瓶書符一道教其用度禮謝而歸依命貼符於堂中即時

鬼怪現形至甚醜惡家人皆見用水灑之乃驚走入一坑中復於坑中灑之遂逼出大小六鬼擔抱提勢而去再赴而灑之離宅漸遠以至形影消滅矣從此宅靜人安翌日挈家詣師焚香拜謝曰一生性僻剛劣不仁豈知道門有如此奇事邪遂大施錢財修建高真觀化在城二百餘家尊崇道教

鸞鶴集壇

瑞州海陽縣奉道張二官人請師至彼獨修下元黃籙大醮其中破用非止一端但忻然營備略無倦怠師預示衆曰此醮非常必垂嘉兆十三日申時發牒之次有鸞四隻鶴二十隻翔於空中良久西南而去十四日中朝行道師曰有報應日中則天師降現徐行道至午忽見雙鸞引群鶴翔於壇上及以五色彩霞光射衆目有人不信是鶴者數隻爲之低飛回翔側示朱頂衆皆異之遂巡一鶴翩翻而落於壇前驅之即押每日以食飼之但仰天而唳終不飛去待師於二十日將起程西邁焚香辭聖畢鸞乃迎師大唳數聲振羽

而翥空中盤繞三市望西南而去矣即有滿城信士賀郎中等寫爲圖而敬之不已

太上雲端

師自北方迴至德州重興鎮有前滄州節使光祿修黃籙大醮四晝夜乃潔已虔心体式咸備將行醮事師曰夫官高三品亦人間之極貴也復欽奉玄科懇懇不息乃感諸天懽樂當有非常之兆至第四日夜設醮之際衆忽見

太上老君乘五色明霞見於壇上方奏青詞師乃俯伏衆又見一童子僅及尺餘容貌奇絕衣服特異從師手鑪內起詣太上前如有稟覆之事焚詞畢方隱不復見矣光祿即令畫工寫其事跡衆各傳寫之凡所見聞皆歎古今罕遇也

體玄真人顯異錄

江淮異人錄

惟三

司馬郊

司馬郊一名凝正一名守中遊於江表常被冠褐躡屐而行日可千百里衣褐不改作而常新所爲麤暴人無敢近之者能詐死以至青腫臭腐俄而復活嘗止於宣州開元觀自宣之歛時道士紹修默亦往歛州至城門遇之與同行修默避之先往至一鎮戍方息於逆旅郊續至修默隱身潛窺之見郊入別店中召主人與飲因而凌辱之主人初亦敬謝郊不爲已而更擊之既而互相搏擊郊忽路於地視之已死體冷色變一市皆聚觀乃召集鄉里縛其主人檢屍責詞將送於州時已向夕欲明旦乃行至中夜復聞店中喧然曰已矣司馬尊師笑而人方悟郊詐死釋其主人修默明日侵曉乃行至前百里許問人曰司馬尊師何時過此曰今早已過矣明日復行百里問之曰昨日已早過矣及到歛州問之亦然每往來上江諸州至一旅舍安泊久之將去告其主曰我所有竹器不能將行取